

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj: 7/10), a u skladu sa članom 33. i 45. Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona”, broj: 3/19), na prijedlog Ministarstva zdravstva, Vlada Zeničko-dobojskog kantona, na 6. sjednici, održanoj dana 24.05.2019. godine d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2019. godinu na poziciji „Tekući transferi drugim nivoima vlasti i drugi tekući rashodi Ministarstva zdravstva“

I.

Usvaja se Program utroška sredstava planiranih u Budžetu Zeničko-dobojskog kantona za 2019. godinu („Službene novine Zeničko-dobojskog kantona”, broj: 3/19) na poziciji „Tekući transferi drugim nivoima vlasti i drugi tekući rashodi Ministarstva zdravstva“ u iznosu od 1.650.900,00 KM (slovima: jedanmilionišeststotinapedesethiljadaidevetstotina konvertibilnih maraka) i čini sastavni dio ovog Zaključka.

II.

Sredstva planirana Budžetom Zeničko-dobojskog kantona za namjene predviđene ovim Zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Za realizaciju ovog zaključka zdužuju se Ministarstvo zdravstva i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02- /19
Datum, 24.05.2019. godine
Z e n i c a

PREMIJER

Mirza Ganić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM UTROŠKA SREDSTAVA
PLANIRANIH U BUDŽETU ZENIČKO-DOBOJSKOG KANTONA ZA 2019. GODINU
NA POZICIJI „TEKUĆI TRANSFERI DRUGIM NIVOIMA VLASTI
I DRUGI TEKUĆI RASHODI MINISTARSTVA ZDRAVSTVA“**

Zenica, maj 2019. godine

I UVOD

1. Pravni osnov

U skladu sa članom 33. stav (1) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), sredstva utvrđena u razdjelu 21, budžetska organizacija 01, potrošačka jedinica 0001 Budžeta -Ministarstvo zdravstva - pozicija „tekući transferi drugim nivoima vlasti“ i „Tekući transferi neprofitnim organizacijama“, koristit će se prema programima utroška, koje donosi Vlada Kantona.

U skladu sa članom 45. stav (1) Zakona o izvršavanju Budžeta Zeničko-dobojskog kantona za 2019. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati, kriterij i naziv pravnog ili fizičkog lica koje prima transfer.

2. Naziv Programa

Sredstva tekućih transfera za zdravstvo sa pozicije Ministarstvo zdravstva Zeničko-dobojskog kantona koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2019. godinu na poziciji „Tekući transferi drugim nivoima vlasti i drugi tekući rashodi Ministarstva zdravstva“ (u daljem tekstu: Program).

3. Ciljevi Programa

Cilj donošenja Programa je transparentno trošenje budžetskih sredstava čija je namjena poboljšanje kvaliteta zdravstvene zaštite.

4. Izvori sredstava

U Budžetu Zeničko-dobojskog kantona za 2019. godinu na razdjelu 21, budžetska organizacija 01, potrošačka jedinica 0001- Ministarstvo zdravstva, ekonomski kod 61400, pozicija „Tekući transferi i drugi tekući rashodi“ planirana su sredstva u iznosu 1.650.900,00 KM, a realizovat će se donošenjem Programa i odluka Vlade Zeničko-dobojskog kantona o odobravanju sredstava, a prema operativnim planovima potrošnje usklađenim sa procentom ostvarenja javnih prihoda, osim u slučajevima odobrenim posebnom odlukom Vlade Kantona.

5. Korisnici Programa

Potrošnja Programom planiranih sredstava podijeljena je na:

- Tekuće transfere drugim nivoima vlasti u iznosu 1.640.900,00 KM i
- Tekuće transfere neprofitnim organizacijama u iznosu 10.000,00 KM.

U sljedećem tabelarnom pregledu data su planirana sredstva po pojedinačnim tekućim

transferima za koje se donosi Program:

Ekon. kod	Subanalitika	Tekući transferi	Budžet 2019. godine
1	2	3	4
614100	LAX 001	Tekući transfer za nabavku vakcina	70.000,00
614100	LAX 005	Tekući transfer za Kantonalni zavod za bolesti ovisnosti	130.000,00
614100	LAX 007	Tekući transfer za Kantonalni zavod za medicinu rada i sportsku medicinu	29.000,00
614100	LAX 008	Tekući transfer za Institut za zdravlje i sigurnost hrane Zenica	88.900,00
614100		Tekući transfer za Institut za zdravlje i sigurnost hrane Zenica za istraživanje	20.000,00
614100	LAX 010	Tekući transfer za Kantonalnu bolnicu Zenica	1.150.000,00
614100	LAX 011	Tekući transfer za Kantonalni zavod za medicinu rada i sportsku medicinu- zdravstvena zaštita sportista	125.000,00
614100		Tekući transfer domovima zdravlja za sistematske preglede školske i predškolske djece	25.000,00
614100		Tekući transfer domovima zdravlja za mrtvozorstvo	3.000,00
	Ukupno tekući transferi drugim nivoima vlasti		1.640.900,00
614300	LAX 004	Tekući transfer udruženjima -dobrovoljno darivanje krvi	10.000,00
	Ukupno tekući transferi neprofitnim organizacijama		10.000,00
614000	Ukupno tekući transferi i drugi tekući rashodi		1.650.900,00

II PROGRAMI

1. Tekući transferi drugim nivoima vlasti - planirani iznos 1.640.900,00 KM

1.1. Tekući transfer za nabavku vakcina

(ekonomski kod 614100, subanalitika LAX 0001 – planirani iznos 70.000,00 KM)

Članom 13. tačka 9) i 10) Zakona o zdravstvenoj zaštiti ("Službene novine Federacije Bosne i Hercegovine", broj: 46/10 i 75/13) propisano je da društvena briga za zdravlje na nivou Kantona obuhvata mjere za osiguranje i provođenje zdravstvene zaštite od interesa za građane na području kantona i to: provođenje epidemiološke, zdravstveno- statističke, socijalno- medicinske i zdravstveno- ekološke djelatnosti, te unapređenje zdravlja i prevencija bolesti na području kantona i provođenje mjera zaštite stanovništva od zaraznih bolesti iz svoje nadležnosti u skladu sa propisima o zaštiti stanovništva od zaraznih bolesti.

Institut za zdravlje i sigurnost hrane Zenica, u skladu sa članom 119. stav 2. alineja 9. navedenog Zakona, kontinuirano provodi mjere higijensko-epidemiološke zaštite i nadzora sa epidemiološkom analizom stanja na području Kantona i provodi protivepidemijske mjere, te nadzire provođenje obaveznih imunizacija.

1.1.1. Antirabična zaštita

Na području Kantona evidentan je problem pasa luralica, koji su najčešći prenosnici virusa bjesnila. Nabavka vakcina protiv bjesnila je opravdana, čime se postiže visok stepen sigurnosti građana u slučaju eventualne pojave bjesnila kod životinja koje borave u blizini ljudi.

Planirana sredstva u Budžetu Zeničko-dobojskog kantona za 2019. godinu za antirabičnu zaštitu (nabavka vakcina verorab i imunoglobulina) iznose 20.000,00 KM. Jedina ovlaštena i osposobljena ustanova za procjenu potrebe i apliciranje antirabične zaštite na području Zeničko-dobojskog kantona je Institut za zdravlje i sigurnost hrane Zenica. Navedena nabavka je planirana u augustu 2019. godine.

1.1.2. Vakcine protiv sezonske gripe

Sezonska gripa predstavlja poseban zdravstveni rizik za bolesnike sa više hroničnih oboljenja i oslabljenim imunitetom, te postoji potreba da se izdvoje sredstva za nabavku vakcina protiv sezonske gripe za oko 4500 najugroženijih stanovnika na području Kantona.

Planirana sredstva u Budžetu Kantona za 2019. godinu za nabavku vakcina protiv sezonske gripe iznose 50.000,00 KM. Institut za zdravlje i sigurnost hrane Zenica vrši nabavku vakcina i distribuciju domovima zdravlja za dalju podjelu. Navedena nabavka se planira u **novembru** 2019. godine.

Planirana sredstva u Budžetu Kantona za 2019. godinu, za prethodno navedene aktivnosti iznose 70.000,00 KM, a realizacija će se vršiti u skladu sa procentom ostvarenja prihoda i operativnim planovima potrošnje budžetskog korisnika.

Kriteriji za raspodjelu sredstava

Zahtjev Instituta za zdravlje i sigurnost hrane u skladu sa epidemiološkom situacijom o vrsti-soju vakcine i potrebnim količinama i Odluka Vlade Kantona o odobrenju sredstava.

Vakcine nabavlja Institut za zdravlje i sigurnost hrane Zenica, putem javne nabavke. Po okončanju procedure javne nabavke, Ministarstvo zdrastva transferiše sredstva Institutu za zdravlje i sigurnost hrane Zenica.

1.2. Tekući transfer za Kantonalni zavod za bolesti ovisnosti

(ekonomski kod 614100, subanalitika LAX 005 - planirani iznos 130.000,00 KM)

Vizija Zavoda za bolesti ovisnosti Zeničko-dobojskog kantona je da postane mjesto za liječenje svih vrsta ovisnosti kako u Kantonu tako i na regionalnom nivou, prvenstveno zahvaljujući stručnosti u organizaciji, principu uzajamnosti i solidarnosti, pravičnosti i jednakosti u pristupu zdravstvenoj zaštiti.

Plan rada Zavoda za 2019. godinu u potpunosti je koncipiran na aktivnostima u cilju povećanja obima i kvaliteta usluga osobito u metadonsko-supstitucionoj terapiji i hospitalnom dijelu-

DETOXU. Poseban akcenat je dat na unapređenju programa primarne prevencije u različitim segmentima, osobito u obrazovnom sistemu sa naglaskom na programe edukacija i jačanje resursa u tim segmentima, organizovanje stručnih savjetovanja, seminara, javnih tribina, predavanja i drugih aktivnosti od značaja za ostvarivanje djelatnosti Zavoda.

Planirane su aktivnosti uključivanja Zavoda u tretman nehemijskih ovisnosti, prevashodno misleći na ovisnost o igrama na sreću i ovisnost o internetu. Pomenute ovisnosti su prepoznate kao patološko kockanje i svrstani u domen poremećaja nagona i pripadaju psihijatriji u Centrima za mentalno zdravlje i psihijatrijama u bolničkim ustanovama. Obzirom na malo angažovanje pomenutih resursa i kako se promjenio stav i prihvatanje ovog vida patološkog ponašanja kao ovisnosti, Zavod je preuzeo obavezu i brigu da se uključi u borbu protiv ovog vida socijalno neprilagođenog ponašanja i otuđenja realnosti, koje je prema definiciji Svjetske zdravstvene organizacije uvršteno u hronične bolesti ovisnosti.

Plan fizičkog obima poslova za 2019.godinu dat je u sljedećim tabelarnim pregledima:

a) U odjeljenju DETOXA (stacionarni dio) planira se:

Kapacitet Broj kreveta muš./žen.	Max.broj b/o dana	Plan 2019.		
		Broj BO dana	Broj pacijenata	Prosjeak ležanja
10	3600	3000	115	26

b) U planu pregleda i usluga zadržava se nivo izvršenja 2017-2018. godine:

Red. br.	Vrsta pregleda	Izvršenje 2018.	Plan 2019.	Index
1.	Neuropsihijatrijski pregledi	7194	7200	100
2.	Savjetovanje	269	270	100
3.	Usluge psihologa	1762	1770	100
3.	Usluge socijalnog radnika	1185	1185	100
4.	Testiranje na PAS	12899	12900	100
5.	Broj pojedinačnih davanja lijeka	86191	86200	100

U 2019. godini planiran je prijem jednog doktora medicine psihijatra i jednog medicinskog tehničara.

Sredstva za rad Kantonalnog zavoda za bolesti ovisnosti se obezbjeđuju Ugovorom sa Zavodom zdravstvenog osiguranja Zeničko-dobojskog kantona, iz Budžeta Zeničko-dobojskog kantona i iz drugih izvora na način i pod uslovima određenim zakonom, aktom o osnivanju i Statutom Zavoda.

Planirani prihodi Kantonalnog zavoda za bolesti ovisnosti u 2019. godini iznose 2.000.000,00 KM, od čega se na prihode od Zavoda zdravstvenog osiguranja Zeničko-dobojskog kantona odnosi 1.312.000,00 KM (65,6%), **prihode iz Budžeta Zeničko-dobojskog kantona 130.000,00 KM (6,5%)**, namjenske prihode za finansiranje supstitucione terapije (metadon i

suboxone) 300.000,00 KM (15,0%), prihode od usluga ostalim korisnicima-kantonima 230.000,00 KM (11,5%) i ostale prihode 28.000,00 KM (1,4%).

Planirani rashodi Kantonalnog zavoda za bolesti ovisnosti za 2019. godinu kreću se u okviru planiranih izvornih prihoda (2.000.000,00 KM), a struktura je sljedeća:

Red. br.	Vrsta rashoda	Iznos u KM	% učešća u ukupnim rashodima
1.	Troškovi za metadon i suboxone-iz namjenskih prihoda (namjenski rashodi jednaki namjenskim prihodima i ne utiču na poslovni rezultat)	300.000,00	15,0
2.	Neto plaće sa porezima i doprinosima	1.250.000,00	62,5
3.	Troškovi toplog obroka i regresa	95.000,00	4,7
4.	Ostale naknade uposlenim	15.000,00	0,8
5.	Izdaci za dnevnice, smještaj na službenom putu i putarine	8.000,00	0,4
6.	Naknade članovima Upravnog odbora	16.000,00	0,8
7.	Naknade po osnovu ugovora o djelu	7.800,00	0,4
8.	Ishrana pacijenata- Detox	42.000,00	2,1
9.	Troškovi za metadonsku terapiju-test trake i utrošak lijekova - Detox	30.000,00	1,5
10.	Troškovi medicinskog materijala i materijala za metadonsku terapiju	7.000,00	0,3
11.	Kancelarijski materijal i materijal za održavanje	15.000,00	0,8
12.	Troškovi zakupa prostora	34.000,00	1,7
13.	Troškovi električne energije, grijanja i goriva	22.000,00	1,1
14.	Zaštitarske usluge	22.000,00	1,1
15.	Usluge investicionog održavanja	23.000,00	1,1
16.	Dijagnostičke usluge JU Kantonalna bolnica Zenica i zdravstvene usluge drugih javnih zdravstvenih ustanova	15.000,00	0,8
17.	Usluge medija-prevencija	10.000,00	0,5
18.	Takse ,porezi i naknade	9.000,00	0,5
19.	Troškovi rezervnih dijelova i sitan inventar	9.000,00	0,4
20.	PTT usluge	8.000,00	0,4
21.	Troškovi premija osiguranja	6.000,00	0,3
22.	Ostale usluge -advokatske, notarske usluge i sl.	6.000,00	0,3
23.	Troškovi reprezentacije	5.800,00	0,3
24.	Usluge stručnog usavršavanja- kotizacije za seminare i simpozij	7.500,00	0,4
25.	Grafičke usluge	4.000,00	0,2
26.	Troškovi zaštite na radu	4.000,00	0,2
27.	Osiguranje volontera	3.500,00	0,2

28.	Bankarske usluge	3.500,00	0,2
29.	Troškovi amortizacije	17.000,00	0,9
30.	Ostali troškovi	4.900,00	0,2
	UKUPNO	2.000.000,00	100,0

Izdaci za plaće sa porezima i doprinosima i naknade uposlenim predstavljaju 68,0% ukupnih rashoda, a ukoliko se iz ukupnih rashoda izuzmu namjenski rashodi, koji su jednaki namjenskim prihodima, učešće ovih troškova je 80,0%.

Za prethodno navedene aktivnosti planirana sredstva u Budžetu Kantona za 2019. godinu iznose 130.000,00 KM, a realizacija će se vršiti u skladu sa procentom ostvarenja prihoda i operativnim planovima potrošnje budžetskog korisnika.

Kriteriji za raspodjelu sredstava

Program, mjesečni iznosi za finansiranje utvrđeni Budžetom Kantona za 2019. godinu koji su usklađeni sa procentom ostvarenja prihoda i operativni planovi potrošnje budžetskog korisnika. U tekućem mjesecu, nakon usvajanja Programa, mjesečni iznosi za finansiranje Zavoda za bolesti ovisnosti, koji se odnose na period do usvajanja Programa bit će obračunati u tom mjesecu, a za naredni period će se obračunavati do petog u tekućem mjesecu za prethodni mjesec.

Izveštaj o utrošku sredstava podnosi se Ministarstvu zdravstva šestomjesečno odnosno po godišnjem obračunu.

1.3. Tekući transfer za Kantonalni zavod za medicinu rada i sportsku medicinu (ekonomski kod 614100, subanalitika LAX 007 - godišnji iznos 29.000,00 KM)

Kantonalni zavod za medicinu rada i sportsku medicinu, u skladu sa članom 120. Zakona o zdravstvenoj zaštiti ("Službene novine Federacije Bosne i Hercegovine", broj 46/10 i 75/13) i Odlukom o preuzimanju prava i obaveza osnivača i usklađivanja organiziranja i poslovanja Javne ustanove Kantonalni zavod za medicinu rada ("Službene novine Zeničko-dobojskog kantona", broj: 11/12) obavlja djelatnosti specifične zdravstvene zaštite radnika na području Kantona.

Projektnim zadacima Kantonalnog zavoda za medicinu rada i sportsku medicinu, koji se finansiraju iz Budžeta Zeničko-dobojskog kantona za 2019. godinu planirani su sljedeći projektni zadaci iz oblasti javno-zdravstvene djelatnosti medicine rada:

1.3.1. Smjernice vezane uz alkohol na radnom mjestu - troškovi projekta 13.500,00 KM

Cilj projekta je učiniti radno mjesto „radnim mjestom bez alkohola“, koji će se ostvariti kroz niz specifičnih ciljeva: podizanje svijesti među radnicima o štetnosti konzumiranja alkohola na radnom mjestu, uspostavljanje učinkovite i primjenjive politike alkohola na radnom mjestu i omogućavanje ključnom osoblju (rukovodiocima, menadžmentu, odgovornoj osobi za zaštitu na radu) razumijevanje kako otkriti i ispravno riješiti probleme sa alkoholom, te na koji način osigurati učinkovitost politikama vezanim uz alkohol na radnom mjestu.

Aktivnosti na realizaciji projekta su: procjena postojećeg stanja vezanog uz alkohol na radnom

mjestu kroz anketiranje i testiranje zaposlenika na alkohol, kampanja podizanja znanja/obaviještenosti o problemu konzumiranja alkohola na radnom mjestu, izrada politike alkohola na radnom mjestu i trening programi za razvoj ljudskih resursa popraćeni medijskom kampanjom.

U strukturi troškova projekta na plaće se odnosi 3.350,0 KM, uredske i administrativne troškove 1.170,00 KM, usluge za preventivno-promotivne aktivnosti 5.048,00 KM i neophodna oprema za realizaciju projekta 3.932,00 KM.

1.3.2. Prevencijom psihosocijalnih rizika do zdravog radnog mjesta - troškovi projekta

10.020,00 KM

Stres na poslu predstavlja jedan od najizazovnijih problema u području zaštite zdravlja i sigurnosti na radu. Pravovremenom identifikacijom i adekvatnom procjenom psihosocijalnih rizika, sveobuhvatnim preventivnim pristupom, provođenjem mjera za njihovo otklanjanje i stvaranjem karakteristika zdravog psihosocijalnog radnog okruženja, mogu se stvoriti zdrava radna mjesta i zdrave organizacije u kojima su radnici zadovoljni, motivirani i pozitivnog stava prema svom poslu.

Aktivnosti na realizaciji projekta su: identifikacija rizika i rizičnih skupina radnika-anketa, procjena rizika i izrada vodiča koji će poslužiti kao smjernica za prevenciju psihosocijalnih rizika.

U strukturi troškova projekta na plaće se odnosi 6.900,00 KM, uredske i materijane troškove 1.560,00 KM i usluge preventivno - promotivne aktivnosti 1.560,00 KM.

1.3.3. Identifikacija i procjena štetnih rizika po zdravlje na radnom mjestu- troškovi projekta 5.480,00 KM

Zadaci promocije zdravlja na radnom mjestu su: procjena i analiza vodećih riziko faktora na radnom mjestu, informisanje radnika o rizicima i određivanje mjera nadzora tih rizika u cilju suzbijanja ili smanjivanja njihovog uticaja na zdravlje i sigurnost radnika.

Tim stručnjak u okviru Službe za medicinu rada provodi aktivnosti na identifikaciji riziko faktora vršenjem kontrole fizičkih, hemijskih i bioloških štetnosti, koje se javljaju na radnom mjestu, kao i mjerenje istih, upoređivanje izmjerenih vrijednosti sa zakonskim normama i predlaganje mjera zaštite u slučaju prekoračenja graničnih vrijednosti, biološki monitoring na radnom mjestu, predlaganje mjera zaštite na osnovu dobijenih rezultata.

U strukturi troškova projekta na plaće se odnosi 4.640,00 KM, uredske i administrativne troškove 500,00 KM i usluge preventivno-promotivne aktivnosti 340,00 KM.

Za prethodno navedene aktivnosti planirana sredstva u Budžetu Kantona za 2019. godinu iznose 29.000,00 KM, a realizacija će se vršiti u skladu sa procentom ostvarenja prihoda i operativnim planovima potrošnje budžetskog korisnika.

Kriteriji za raspodjelu sredstava su

Program, iznos sredstava za finansiranje utvrđeni Budžetom Zeničko-dobojskog kantona za 2019. godinu usklađeni sa procentom ostvarenja prihoda i operativni planovi potrošnje za svakog budžetskog korisnika.

U tekućem mjesecu, nakon usvajanja Programa, transferisat će se polovina sredstava odobrenih

za realizaciju projekata, dok će se druga polovina sredstava transfrisirati tri mjeseca nakon realizacije prve tranše.

Izvještaj o utrošku sredstava podnosi se Ministarstvu zdravstva šestomjesečno, odnosno po godišnjem obračunu.

**1.4. Tekući transfer za JU Institut za zdravlje i sigurnost hrane Zenica
(ekonomski kod 614100, subanalitika LAX 008 - planirani iznos 88.900,00 KM)**

Članom 13. Zakona o zdravstvenoj zaštiti („Službene novine Federacije Bosne i Hercegovine“, broj:46/10 i 75/13) propisane su obaveze Kantona po pitanju zdravstvene zaštite. Većina mjera se direktno odnosi na javno-zdravstvenu djelatnost (tačke 3, 4, 8, 9 i 10). Aktivnosti iz tačke 2. 5. i 6. posredno se odnose na javno zdravstvo, jer je Institut za zdravlje i sigurnost hrane Zenica do sada bio vrlo važan učesnik izrade dokumenata iz ove oblasti kao i njihove implementacije.

Programi javno-zdravstvenih aktivnosti koje realizuje Institut za zdravlje i sigurnost hrane Zenica su od izuzetnog značaja i predstavljaju djelatnost koja je zakonska obaveza. Najveći dio ovih aktivnosti Institut mora provoditi bez obzira na dodijeljena sredstva iz Budžeta. Radi se o aktivnostima koje donosiocima odluka daju osnovu za ispravno odlučivanje, te aktivnostima koje doprinose unapređenju zdravlja stanovništva i funkcionisanja zdravstvenog sistema.

U sljedećoj tabeli dati su programi javno-zdravstvene djelatnosti i potrebna sredstva za realizaciju istih:

NAZIV PROGRAMA	Potreban iznos u KM
Praćenje i analiza zdravstvenog stanja stanovništva i funkcionisanja zdravstva	21.676,00
Prikupljanje i obrada zdravstveno-statističkih podataka i statistička istraživanja u zdravstvu	50.813,00
Antirabična zaštita	11.202,00
Nadzor nad akutnom flakcidnom paralizom	1.794,00
Nadzor nad HIV/AIDS	2.197,00
Izrada programa i stručni nadzor sistematske deratizacije	20.424,00
UKUPNO:	108.106,00

Ukupni troškovi za realizaciju prethodno navedenih programa iznose 108.106,00 KM, od čega će se iz **Budžeta Zeničko-dobojskog kantona finansirati 88.900,00 KM**. Nedostajuća sredstva za finansiranje navedenih programa bit će obezbjeđena iz sredstava Instituta za zdravlje i sigurnost hrane Zenica, obzirom da se radi o aktivnostima koje su zakonska obaveza.

Kriteriji za raspodjelu sredstava

Program, mjesečni iznosi za finansiranje utvrđeni Budžetom Zeničko-dobojskog kantona za 2019. godinu, usklađeni sa procentom ostvarenja prihoda i operativni planovi potrošnje budžetskog korisnika.

U tekućem mjesecu, nakon usvajanja Programa, mjesečni iznosi za finansiranje Instituta za zdravlje i sigurnost hrane Zenica, koji se odnose na period do usvajanja Programa bit će obračunati u tom mjesecu, a za naredni period će se obračunavati do petog u tekućem mjesecu za prethodni mjesec.

Izveštaj o utrošku sredstava podnosi se Ministarstvu zdravstva šestomjesečno, odnosno po godišnjem obračunu.

1.5. Tekući transfer za JU Institut za zdravlje i sigurnost hrane Zenica za istraživanje (ekonomski kod 614100 - planirani iznos 20.000,00 KM)

Navedeni transfer se u ovoj godini odnosi na istraživanje i razvoj u oblasti dezinfekcije, dezinsekcije i deratizacije.

Mjere deratizacije, dezinfekcije i dezinsekcije spadaju u mjere kojima se osigurava kontrola određenih zaraznih bolesti koje se prenose vektorima. Naše područje ima dugu tradiciju i praksu provođenja deratizacije te je epidemiološka situacija po pitanju zaraznih bolestima koje se mogu povezati sa glodarima uglavnom stabilna i povoljna.

Smatramo da je u oblasti deratizacije potrebno raditi na istraživanju i razvoju ovih aktivnosti najmanje u dvije oblasti: stepena raširenosti glodara i procjena potrebe za obimom aktivnosti deratizacije, kao i procjena uticaja na okoliš kao posljedica provođenja ovih mjera. Izlaganje okoliša neopravdano velikim količinama rodenticida bi predstavljala ozbiljan rizik po zdravlje ljudi i životinja. Iz tog razloga je potrebno identifikovati realne potrebe za rodenticidima, odnosno definisanje utroška minimalne količine rodenticida koji će ostvariti potreban efekat na kontroli broja glodara.

Po pitanju dezinsekcije, naše područje potencijalno bi moglo biti ugroženo širenjem komaraca, među kojima ima i onih koji prenose ozbiljne tropske zarazne bolesti. Za primjer, u Srbiji je groznica zapadnog nila od 2012 do 2017 oboljelo 676 osoba a od čega je 70 osoba umrlo. Sredinom 2018. godine registrovan je i prvi slučaj ove bolesti u Hrvatskoj. Dakle, pitanje je dana kada se i na našem području mogu pojaviti komarci koje prenose ovu opasnu zaraznu bolest. Iz tog razloga je potrebno raditi na istraživanju prisustva komaraca koji prenose zarazne bolesti, kao i razvoju metoda za kontrolu njihovog broja. Ukoliko bi se istraživanjem utvrdilo prisustvo opasnih vrsta komaraca, bilo bi neophodno provoditi mjere dezinsekcije, odnosno uništavanja larvi komaraca. Obzirom da naše područje (zbog konfiguracije terena i guste naseljenosti) nije pogodna primjena avionskog zaprašivanja kakvo se provodi u ravničarskim krajevima. Iz tog razloga je potrebno istražiti najpogodniji način uništavanja larvi komaraca, ukoliko se pokaže potreba za time.

Osiguranjem sredstava za istraživanje i razvoj u Budžetu omogućit će Institutu razvijanje

sopstvenih kapaciteta za istraživanje i razvoj u ovoj oblasti, kako bi se na vrijeme moglo reagovati u cilju zaštite stanovništva od zaraznih bolesti koje prenose vektori.

Ciljevi projekta su:

- Utvrditi stepen infestacije glodarima na području eničko-dobojskog kantona,
- Razviti sistem nadzora nad raširenošću komaraca na području Kantona,
- Uraditi preliminarnu procjenu stepena infestacije komarcima na području Kantona i
- Razviti metodologiju procjene uticaja upotrebe biocidnih sredstava na okoliš i na zdravlje ljudi i pojedinih vrsta životinja.

Troškovi realizacije ovih aktivnosti se procjenjuju na iznos od oko 28.521,00 KM, a njihova struktura je sljedeća:

Pregled troškova realizacije programa:	Iznos u KM
Bruto primanja zaposlenih	14.365,00
Troškovi tehničke realizacije	3.548,00
Nabavka opreme -klopki za komarce	1.170,00
Ugovorene usluge	2.856,00
Indirektni troškovi realizacije	6.582,00
Ukupno	28.521,00

Iz sredstava Budžeta Zeničko-dobojskog kantona će se finansirati iznosu od 20.000,00 KM, dok će ostatak sredstava osigurati Institut iz vlastitih sredstava.

Kriteriji za raspodjelu sredstava

Program, iznosi za finansiranje utvrđeni Budžetom Zeničko-dobojskog kantona za 2019. godinu, usklađeni sa procentom ostvarenja prihoda i operativni planovi potrošnje budžetskog korisnika. U tekućem mjesecu, nakon usvajanja Programa, izvršit će se transfer sredstava u iznosu od 10.000,00 KM, a ostatak sredstava u novembru 2019. godine.

Izveštaj o utrošku sredstava podnosi se Ministarstvu zdravstva šestomjesečno, odnosno po godišnjem obračunu.

1.6. Tekući transfer za Kantonalnu bolnicu Zenica (ekonomski kod 614100, subanalitika LAX 010 - planirani iznos 1.150.000,00 KM)

Vlada Kantona je u Budžetu za 2019. godinu, planirala sredstva za JU Kantonalna bolnica

Zenica za pokriće dijela troškova tekućeg održavanja opreme i informacionih sistema koje će ova zdravstvena ustanova imati u 2019. godini, u ukupnom iznosu **od 950.000,00 KM**.

Pored navedenih sredstava planiran je iznos od **200.000,00 KM** za plaćanje PDV-a za realizaciju projekta „Poboljšanje energetske efikasnosti u JU Kantonalna bolnica Zenica“.

Skupština Zeničko-dobojskog kantona je donijela Odluku o prihvatanju supsidijarnog zaduženja Zeničko-dobojskog kantona, po osnovu Ugovora o zajmu između Bosne i Hercegovine i Evropske banke za obnovu i razvoj (EBRD) u svrhu realizacije projekta „Poboljšanje energetske efikasnosti u JU Kantonalna bolnica Zenica („Službene novine Zeničko-dobojskog kantona“, broj: 8/18) u iznosu od 10 miliona EUR-a.

Prema osnovnim uvjetima Ugovora o zajmu, Evropska banka za obnovu i razvoj ne finansira troškove PDV-a, te je neophodno za ove namjene obezbijediti sredstva u Budžetu Zeničko-dobojskog kantona.

U sljedećoj tabeli dat je pregled planiranih sredstava za tekuće održavanje medicinske i nemedicinske opreme, kao i informacionih sistema sa planiranim godišnjim iznosima sredstava neophodnim za realizaciju ugovorenih obaveza:

Red. br.	Naziv dobavljača	Svrha	Iznos u KM
1.	„Siemens medicina“ d.o.o. Sarajevo	Usluge održavanja medicinske opreme proizvođača „Siemens“ u Službi za radiologiju (MR magnetom, T Somatom Definition AS 40, Axiom Iconos MD, Multix Top)	451.450,32
2.	„Siemens medicina“ d.o.o. Sarajevo	Usluge održavanja i servisiranja (full servis CT aparata Somatom emotion 6 RTP u Službi za onkologiju i radioterapiju)	115.830,00
3.	„Fresenius Medical Care“	Usluge održavanja medicinske opreme proizvođača Fresenius	42.120,00
4.	„Medpoint“ d.o.o. Sarajevo	Održavanje gamma kamere PICKER	19.000,00
5.	„Medit“ d.o.o. Sarajevo	Usluge održavanja, servisiranja i implementacije PACS/RIS sistema	73.008,00
6.	„Wizard computers“ d.o.o. Mostar	Usluge održavanja transfuzijskog informacionog sistema Renovatio	22.323,60
7.	„Wizard computers“ d.o.o. Mostar	Usluge održavanja laboratorijskog informacionog sistema RGB Analysis	20.358,00
8.	„Wizard computers“ d.o.o. Mostar	Usluge održavanja BIS-a Modul Hemodijaliza	20.028,12
9.	„Dalia“ d.o.o. Tuzla	Usluge nabavke i održavanja softvera AFIS	66.296,88
10.	„Wizard computers“ d.o.o. Mostar	Usluge održavanja RGB Analysis - Mikrobiologija	9.126,00
11.	„Euro Lifting“ d.o.o. Zenica	Održavanje liftovskih postrojenja	14.180,64
12.		Ostali izdaci za tekuće održavanje	96.278,44
	UKUPNO		950.000,00

Pod redbnim brojem 12. tabelarnog pregleda planirana su sredstva u iznosu od 96.278,44 KM za hitne i nepredviđene izdatke za tekuće održavanje.

Kriteriji za raspodjelu sredstava

Na prijedlog Ministarstva zdravstva, a po zahtjevu JU Kantonalna bolnica Zenica, Vlada Zeničko-dobojskog kantona donosi odluku o odobrenju sredstava u skladu sa procentom ostvarenja prihoda u Budžetu Zeničko-dobojskog kantona.

Sredstva će se transferisati na račun JU Kantonalna bolnica Zenica, na osnovu pojedinačnih odluka Vlade Kantona o odobravanju sredstava, kojim će biti preciziran način i dinamika transferisanje sredstava.

JU Kantonalna bolnica Zenica obavezna je Ministarstvu zdravstva dostaviti dokaze o izmirenju obaveza dobavljaču.

1.7. Tekući transfer za Kantonalni zavod za medicinu rada i sportsku medicinu – zdravstvena zaštita sportista (ekonomski kod 614100, subanalitika LAX 011- godišnji iznos 125.000,00 KM)

U skladu sa Zakona o zdravstvenoj zaštiti („Službene novine Federacije BiH“, broj: 46/10 i 75/13) i Odlukom o preuzimanju prava i obaveza osnivača i usklađivanju organizacije i poslovanja Javne ustanove Kantonalni zavod za medicinu rada („Službene novine Zeničko-dobojskog kantona“, broj:11/12), JU Zavod za medicinu rada i sportsku medicinu Zeničko-dobojskog kantona obavlja proširenu djelatnost, odnosno vrši i zdravstvenu zaštitu sportista.

Projekat očuvanja zdravlja sportista amatera na području Zeničko-dobojskog kantona putem redovnih sistematskih pregleda ima za cilj kontinuirano praćenje zdravstvenog stanja maloletnih i punoljetnih sportista amatera na području Zeničko-dobojskog kantona.

Specifični ciljevi projekta su:

- poboljšati zdravstveni bilten amaterskih sportista u svim kategorijama kako bi se spriječio nastanak oboljenja ili povreda koje bi uslijedile zbog pogrešnog zdravstvenog stanja
- promocija zdravlja i zdravog načina života
- prevencija povreda lokomotornog sistema
- prevencija razvoja oboljenja drugih organskih sistema uslijed nepoznavanja postojanja problema.
- kontinuirano praćenje zdravstvenog stanja specifične populacije

Aktivnosti ovog projekta mogu se podijeliti na administrativne, izvedbene, i follow up aktivnosti.

Administrativne aktivnosti mogu se nazvati i I faza projekta koja podrazumijeva:

- komunikaciju sa sportskim savezom Zeničko-dobojskog kantona
- komunikaciju sa sportskim savezima gradova u Zeničko-dobojskom kantonu
- komunikaciju sa specifičnim granskim sportskim savezima koji imaju klubove u zeničko-dobojskom kantonu

Ove aktivnostri podrazumijevaju direktnu komunikaciju putem slanja obavijesti i davanja termina za obavljanje ljekarskih pregleda sportisa amatera koji podrazumijeva zakazivanje termina, unos podataka u bazu podataka s ciljem praćenja razvoja sportista amatera itd....

Izvedbena ili II faza projekta podrazumijeva realizaciju izvođenja sistematskih pregleda sportskih amatera kako punoljetnih i maloljetnih sportista što, će omogućiti praćenje zdravstvenog stanja djece.

U sklopu ove aktivnost obavljati će se slijedeći pregledi u skladu sa po Evropskom modelu standardne baterije pregleda:

1. Fizikalni pregled specijaliste medicine rada i sporta:
 - a. Upitnik za sportskomedicinski pregled (za maloljetne osobe potpis roditelja/staratelja).
 - b. Anamneza (lična, sportska, ranije bolesti, dodaci prehrani)
 - c. Antropometrijska mjerenja, mjerenja stepena rasta i razvoja kod djece aktivnih sportista od 7 – 17 godina prema centilima tjelesne težine i visine, BMI, procenat masti u strukturi tijela, konstituija
 - d. Posturalni status
 - e. Klinički pregled po organskim sistemima, ocjena funkcionalnog stanja, test opterećenja prema starosnoj dobi
 - f. Podoskopski pregled stopala.
2. Laboratorijske pretrage: KS (WBC, HGR, RBC, HCT, MCV, MCH, MCHC, RDW – CV, RDW-SD, PLT, Lymph%, Mid%, Gran%), SE, glukoza, urea, kreatinin, holesterol, ukupni proteini, bilirubin, ASAT, ALAT, urin, sediment urina,
3. Funkcionalno ispitivanje KVS – EKG u miru sa očitanjem. + za sportiste >18 godina Test opterećenja, funkcionalna dijagnostika KV sistema – ergotest,
4. Funkcionalno ispitivanje sluga – ADG,
5. Ortoreter/pregled oftalmogloa (oštrina vida na svakome oku, raspoznavanje boja, kolorni vid, okulomotorna ravnoteža, intraokularni tlak...),
6. Funkcionalno ispitivanje respiratornog sistema – mala spirometrija (VK, FEV1, FEF...) Pored gore pomenutog osnovnog paketa usluga prema smjernicama i zdravstvenim zahtjevima sportske discipline, te za sportove visokog rizika, u osnovni sadržaj pregleda se podrazumijevaju i pregled konsultativnih specijalističkih grana kao što su otorinolaringologija, neuropsihijatrija, pneumoftiziologija, fizijatrija, internistička grana, kardiologija, stomatologija te dopuna laboratorijskih nalaza uprema zahtjevu sportske discipline,
7. Izvještaj o pregledu aktivnih sportista određene sportske discipline (ocjena sposobnosti za određenu sportsku disciplinu),
8. Ovjera takmičarskih knjižica, izdavanje dozvole, potvrđivanje sportske legitimacije itd...

U sljedećem tabelarnom pregledu data je struktura troškova realizacije projekta:

Vrsta troška	Jedinica mjere	Broj jedinica	Iznos po jedinici	Iznos troška KM
1. Troškovi osoblja i stručnjaka				
1.1. Plaće (bruto iznos)				
1.1.1. Specijalista medicine rada i sportske medicine	mjesec	12	2.456,65	29.479,80
1.1.2. VŠ medicinska sestra	mjesec	12	818,65	9.823,80
1.1.3. Medicinska sestra	mjesec	12	1.176,37	14.116,40
Ukupno				53.420,00
2. Troškovi stručnog osposobljavanja				
2.1. Plaće (bruto iznos)				
2.1.1. Doktor opšte prakse (specijalizacija)	mjesec	12	2.805	33.660,00
Ukupno				33.660,00
3. Uredski i administrativni troškovi				
3.1. Uredski materijal	mjesec	12	100	1.200,00
3.2. Internet	mjesec	12	40	480,00
3.3. Telefon	mjesec	12	50	600,00
3.4. Režijski troškovi	mjesec	12	250	3.000,00
Ukupno				5.280,00
4. Nabavka potrošnog materijala				
4.1. Specijalističko dijagnostičke pretrage	mjesec	12	2120,00	25.440,00
Ukupno				25.440,00
5. Troškovi održavanja opreme				
5.1. Servisiranje i kalibracija opreme	mjesec	12	600	7.200,00
Ukupno				7.200,00
UKUPNI TROŠKOVI PROJEKTA				125.000,00

Kriteriji za raspodjelu sredstava su Program, mjesečni iznosi za finansiranje utvrđeni Budžetom Kantona za 2019. godinu usklađeni sa procentom ostvarenja prihoda i operativni planovi potrošnje budžetskog korisnika.

U tekućem mjesecu, nakon usvajanja Programa, mjesečni iznosi za finansiranje Zavoda za medicinu rada i sportsku medicinu Zeničko-dobojskog kantona, koji se odnose na period do usvajanja Programa bit će obračunati u tom mjesecu, a za naredni period će se obračunavati do petog u tekućem mjesecu za prethodni mjesec.

Izveštaj o utrošku sredstava podnosi se Ministarstvu zdravstva šestomjesečno, odnosno po

godišnjem obračunu.

1.8. Tekući transfer domovima zdravlja za sistematske preglede školske i predškolske djece – planirani iznos 25.000,00 KM

Utrošak sredstava planiranih za sistematske preglede školske i predškolske djece će se precizirati odlukom Vlade Zeničko-dobojskog kantona.

1.9. Tekući transfer domovima zdravlja za mrtvozorstvo – planirani iznos 3.000,00 KM

Utrošak sredstava po osnovu tekućeg transfera domovima zdravlja za mrtvozorstvo će se precizirati odlukom Vlade Kantona.

2. Tekući transferi neprofitnim organizacijama - planirani iznos 10.000,00 KM

**2.1. Tekući transfer udruženjima-dobrovoljno darivanje krvi
(ekonomski kod 614300, subanalitika LAX 004-godišnji iznos 10.000,00 KM)**

U Budžetu Kantona za 2019. godinu, planirana su sredstva koja se odnose na pomoć u finansiranju Crvenog križa Zeničko-dobojskog kantona u cilju obezbjeđivanja uslova za kvalitetnijim organizovanjem akcija u prikupljanju dovoljnih količina krvi za potrebe JU Kantonalna bolnica Zenica i Opća bolnica Tešanj.

Budžetom Kantona za 2019. godinu za ovu namjenu planirana su sredstva u iznosu od 10.000,00 KM, a realizacija će se vršiti u skladu sa procentom ostvarenja prihoda i operativnim planovima potrošnje budžetskog korisnika.

Kriteriji za raspodjelu sredstava

Dinamika provedenih akcija, redovni izvještaji organizacije za prikupljanje krvi i transfuzioloških službi zdravstvenih ustanova - bolnica. Na prijedlog Ministarstva zdravstva Vlada Kantona donosi zaključak o odobravanju sredstava.

Izvještaj o utrošku sredstava podnosi se Ministarstvu zdravstva u roku od dva mjeseca po primitku sredstava.

Broj: 02- /19
Datum, 24.05.2019. godine
Z e n i c a

PREMIJER

Mirza Ganić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.